

Tanda prihatin warga universiti terhadap kedaifan umat Islam di negara tersebut

Misi kemanusiaan UMP di Kemboja

Oleh NOREHAN SALEH
utusanmtr@gmail.com

KUANTAN 20 Ogos - Universiti Malaysia Pahang (UMP) melancarkan program 'Kami Sayang Kami Prihatin' menerusi misi kemanusiaan ke Kampung Baik Anlong dalam Wilayah Kampung Champ, Kemboja selama empat hari bermula hari ini.

Sebanyak 30 penuntut, 10 bekas penuntut dan enam kakitangan menyertai program anjuran Jabatan Hal Ehwal Pelajar dan Alumni UMP dengan kerjasama Himpunan Lepasan Institusi Pendidikan Malaysia (Haluan) negeri.

Program itu turut mendapat sokongan daripada Perusahaan Otomobil Kedua Sdn. Bhd. (Perodua),

Persatuan Wanita UMP (Matahari), Pusat Pengajian Berterusan dan Pembangunan Professional (Cen-fed) dan Kelab Puchong Bikers.

Kerjasama tersebut menyaksikan mereka berjaya mengumpul dana sebanyak RM50,000 serta pelbagai barang keperluan sumbangan daripada warga universiti itu.

Nائب Canselor UMP, Prof. Datuk Dr. Daing Nasir Ibrahim berkata, misi berkenaan sebagai tanda prihatin warga universiti tersebut terhadap kedaifan dan keadaan hidup serba kelurangan umat Islam di Kemboja.

Tambahnya, program itu akan membantu umat Islam di sana mendapat keperluan asas yang lebih baik.

"Terdapat 13 projek pembangunan akan dijalankan seperti mem-

buat jalan masuk ke masjid, membuat kolah atau pili air untuk berwuduk, memasang jubin lantai di asrama dan madrasah serta mengelacat bangunan masjid, asrama dan dewan makan," katanya dalam kenyataan di sini hari ini.

Katanya, peserta program itu akan mengadakan kelas mengajar bahasa Inggeris kepada 170 pelajar di sana selain bergotong royong mengadak kenduri sempena Hari Raya Aidilfitri bersama 300 penduduk kampung.

Menurutnya, pihak pengurusan UMP sentiasa memberikan sokongan penuh terhadap inisiatif positif yang sedang dan akan dilaksanakan oleh Persatuan Alumni UMP termasuk menjayakan misi kemanusiaan itu.



DAING Nasir Ibrahim (lima dari kiri) melancarkan program misi kemanusiaan UMP ke Kemboja di Kuantan, semalam.